

ЦАХИЛГААН ДАМЖУУЛАХ АГААРЫН ШУГАМЫН УГСРАЛТ,  
"SCADA" СИСТЕМ УГСРАЛТЫН АЖИЛ ГҮЙЦЭТГЭХ ГЭРЭЭ

2020 оны 05 дугаар  
сарын 22-ний өдөр

№ 12Н-14/02020/015

Улаанбаатар хот

Энэхүү 6 зөрлөгийн дэд станц, Тавантолгой өртөөний 35 кВ хүчдэлийн 2 хэлхээт 380 км урт цахилгаан дамжуулах агаарын шугамын угсралт, "Scada" систем угсралтын ажил гүйцэтгэх гэрээ /Цаашид "Гэрээ" гэх/-г

Нэг талаас: Монгол-Оросын хувь нийлүүлсэн нийгэмлэг "Улаанбаатар төмөр зам"-ыг төлөөлж Замын дарга Д.Жигжиднямаа (цаашид "Захиалагч" гэх),

Нөгөө талаас: Улсын бүртгэлийн 901111058, Регистрийн 5153727 дугаартай "НОЙКРАФТ" ХХК түүнийг төлөөлж захирал албан тушаалтай Л.МӨНХТУЯА (цаашид "Гүйцэтгэгч" гэх) нар хүсэл, зориг, ашиг сонирлого бүрэн илэрхийлж Монгол улсын Иргэний хуулийн 343-358 дүгээр зүйл заалтыг үндэслэн дараах нөхцөлөөр харилцан тохиролцож энэхүү гэрээг байгуулав.

Энэхүү гэрээ нь сайн дурын үндсэн дээр байгуулагдсан бөгөөд гэрээний бүх зүйл, заалттай нэг бүрчлэн бүрэн танилцаж хүлээн зөвшөөрөгдсөн байх, хүсэл зориггоо бүрэн илэрхийлсэн байх зарчимд тулгуурлагдсан болохыг 2 тал харилцан хүлээн зөвшөөрөв.

НЭГ.НИЙТЛЭГ ҮНДЭСЛЭЛ

1.1 Гэрээний зорилго Дэд ажлын хэсгийн 2020 оны 05 дугаар сарын 14-ний өдрийн хуралдаанаас гарсан шийдвэрийг үндэслэн 6-р багцын "Тавантолгой – Зүүнбаян чиглэлийн төмөр замын цахилгаан хангамж"-ийн 6 зөрлөгийн Дэд станц, Тавантолгой өртөө 35 кВ хүчдэлийн 2 хэлхээт 380 км урт цахилгаан дамжуулах агаарын шугам угсралт, "Scada" систем, галын дохиолол холбооны угсралтын ажлыг батлагдсан зургийн дагуу гэрээт ажлын дүнд багтаан ажлыг гүйцэтгэх энэхүү гэрээгээр харилцан тохиролцсон ажлын гүйцэтгэлийг баталгаажуулахтай холбогдсон талуудын хооронд үүсэх харилцааг зохицуулах, тэдгээрийн хүлээх үүрэг, эзлэх эрх болон хариуцлагыг тогтооход оршино.

1.2 Гэрээт ажил: Гэрээний хугацаанд энэхүү гэрээний 1.1-д заасан газарт хавсралт 1-д заасан ажлыг иж бүрэн хийж гүйцэтгэнэ.

1.3 Гэрээний нийт үнийн дүн: **5,499,762,180** /Таван тэрбум дөрвөн зуун ерэн есөн сая долоон зуун жаран хоёр мянга нэг зуун наяд/ төгрөг байна. Монгол Улсад хүчин төгөлдөр мөрдөж буй татвар, хураамжуудыг ГЕН-ийн 49 дэх хэсэгт заасны дагуу Гүйцэтгэгч нь хуульд заасан хэмжээгээр өөрөө хариуцан барагдуулна.

1.4 Гэрээний үнийн задаргааг Хавсралт №3-д заасан болно. Энэ үнэнд тоног төхөөрөмж, холбох хэрэгсэл, тэдгээрийг суурилуулах болон материалын, ажлын хөлс, тээврийн зардал багтсан бөгөөд ИӨАТ багтсан болно.

1.5 Дор дурдсан гэрээ, баримт бичиг нь энэхүү гэрээний салшгүй хэсэг байх бөгөөд эдгээрийн хамт энэхүү гэрээ нь хүчин төгөлдөр байна. Үүнд:

1.5.1 Гэрээ

1.5.2 Гэрээний ерөнхий нөхцөлүүд

1.5.3 Гэрээний тусгай нөхцөлүүд

1.5.4 Хавсралт 1 Ажлын зураг (Ажлын даалгавар)

1.5.5 Хавсралт 2 Ажлын төсөв /зардлын задаргаа/

1.5.6 Хавсралт 3 Төлбөрийн хуваарь

1.5.7 Хавсралт 4 Үе шатны ажлын хуваарь

1.5.8 Хавсралт 5 Ажлын график төлөвлөгөө

1.5.9 Хавсралт 6 Гүйцэтгэгчийн тоног төхөөрөмжийн жагсаалт, ажиллах хүчний мэдээлэл,

1.5.10 Хавсралт 7 Үе шатны ажлын тайлан гаргах хуваарь

1.5.11 Хавсралт 8 Гэрээ дуусгавар болсны дараа хүлээлгэн өгөх бичиг баримтын жагсаалт

1.5.12 Холбогдох бүсэд бичиг баримтууд /Гүйцэтгэгч компанийн гэрчилгээ, тусгай зөвшөөрөл, итгэмжлэл, гэрчилгээ, ерөнхий захирал эсвэл эрх бүхий албан тушаалтны иргэний үнэмлэх г.м /нотариатаар баталгаажуулсан байна/.

## ХОЁР. НЭР ТОМЬЁО

Энэхүү Гэрээнд хэрэглэсэн дараах нэр томьёог дор дурдсан утгаар ойлгоно.

- 2.1 "Гэрээ" гэж Захиалагч, гүйцэтгэгчийн хооронд байгуулсан энэхүү ажил гүйцэтгэх Гэрээг,
- 2.2 "Захиалагч" гэж "УБТЗ" ХНН
- 2.4 "Гүйцэтгэгч" гэж "НОЙКРАФТ" ХХК-ийг;
- 2.5 "Гэрээний үнэ" гэж Үйлчилгээг гүйцэтгэхэд зориулан Гүйцэтгэгч энэхүү Гэрээний 1.1-д заасны дагуу баталсан төсвийн үнийн дүнг;
- 2.6 "Гүйцэтгэх ажил" гэж Гэрээний дагуу Гүйцэтгэгчийн хийж гүйцэтгэн Захиалагчид хүлээлгэн өгөх энэхүү Гэрээний Хавсралт 1-д тодорхойлсон ажлыг;
- 2.7 "Ажил эхлэх өдөр" гэж Гүйцэтгэгчийн ажил эхлүүлэх өдрийг тус тус хэлнэ. Энэ өдрийг ГТН-ийн 1.1 дүгээр зүйлд заах бөгөөд ажлын галбайг эзэмших өдөртэй давхцаагүй байж болно.
- 2.8 "ГЕН" гэх товчилсон үгийг Гэрээний ерөнхий нөхцөл гэж ойлгоно,
- 2.9 "ГТН" гэх товчилсон үгийг Гэрээний тусгай нөхцөл гэж ойлгоно,

### ГУРАВ. ЗАХИАЛАГЧИЙН ЭРХ ҮҮРЭГ

- 3.1 Захиалагч нь Гүйцэтгэгчийг гэрээний хавсралт 1-д заасан ажлыг үр дүнтэй, чанарын шаардлагын дагуу, хугацаандаа гүйцэтгэхэд хяналт тавих үүрэг хүлээнэ.
- 3.2 Захиалагч нь Гүйцэтгэгчийн хариуцсан инженерээс ирүүлсэн гүйцэтгэлийн үнэн зөв, алдаагүй байдалд хяналт тавьж баталгаажуулна.
- 3.3 Ажлын хэрэгжилт, ажлын явц, тайлан мэдээтэй чөлөөтэй танилцах, газар дээр нь үнэлгээ шалгалт хийх, шаардлага тавих эрхтэй.
- 3.4 Захиалагчийн инженерүүд нь зөвхөн гүйцэтгэсэн ажлыг хянаж, харин санхүүжилтийг "МТЗ" ТӨХК хариуцна.
- 3.5 Гүйцэтгэгч нь санхүүжилтийг эриулалтын бусаар ашигласан төслийн хэрэгжилт, ажлын гүйцэтгэлийн явцад зөрчил гаргасан тохиолдолд гүйцэтгэлийг баталгаажуулахгүй, улмаар гэрээг цуцлах эрхтэй.
- 3.6 Гэрээний үнийн дүнд гэрээний хавсралт 3 заасан ажлын даалгаварт заасан бүх ажлыг бүрэн гүйцэтгэж хийж гүйцэтгэх бөгөөд илүү гарсан аливаа зардалд Захиалагч хариуцлага хүлээхгүй болно.
- 3.7 Ажлын явцад Захиалагчийн зүгээс ажлын зураг, төсөлд өөрчлөлт оруулах эрхтэй бөгөөд үүнтэй холбоотой ямар нэг нэмэгдэл зардлыг Гүйцэтгэгчид төлөхгүй болно.

### ДӨРӨВ. ГҮЙЦЭТГЭГЧИЙН ЭРХ ҮҮРЭГ

- 4.1 Гүйцэтгэгч нь энэхүү Гэрээний салшгүй хэсэг болох хавсралт 1-д заасан ажлыг үр дүнтэй, батлагдсан зураг төслийн дагуу техникийн болон чанар, стандартын шаардлага ханган гэрээнд заасан хугацаанд гүйцэтгэх үүрэг хүлээнэ.
- 4.2 Гүйцэтгэгч нь энэхүү Гэрээний салшгүй хэсэг болох Хавсралт 1-д тодорхойлсон зураг төсөлд заасан ажлыг хийж гүйцэтгэх үүрэгтэй.
- 4.3 Гүйцэтгэгч нь ГТН-ийн 1.1 дүгээр зүйлд Захиалагчаас шаардаж буй хавсралт 1-д заасан ажил үүргийг хавсралт 2-т заасан зураг төсвийн дагуу гэрээнд заасан хугацааны дотор хийж гүйцэтгэх мэргэжлийн дадлага туршлагатай инженер, техникийн болон бусад ажилтнууд болон тоног төхөөрөмж, техникийн эх үүсвэртэй байна. Гэрээнд заасан нөхцөл, болзлын дагуу ажлыг хийж гүйцэтгэхийг энэхүү гэрээгээр хүлээн зөвшөөрсөн байна.
- 4.4 Гүйцэтгэгч нь Гэрээнд заасан нөхцөл, болзолд нийцүүлэн хавсралт 1-д заасан ажлыг зохих ёсоор гүйцэтгэж, зөрчил доголдол гаргасан үед түүнийг яаралтай засах, арилгах үүргийг хүлээнэ.
- 4.5 Ажлын явцтай холбоотой мэдээ тайланг Захиалагчид гэрээний хавсралт 7-д заасан хугацааны дагуу тухай бүр хургуулэх үүрэгтэй.
- 4.6 Санхүүжилт авахтай холбогдуулан хургүүдсэн аливаа мэдээлэл, тайлан, нэхэмжлэхийн үнэн зөв байдлыг бүрэн хариуцна.
- 4.7 Гүйцэтгэгчийн гэрээгээр хүлээх үүргийг ГТН-ийн 6.0 дугаар зүйлд нарийвчлан заасан болно.
- 4.8 Гүйцэтгэгч нь Гэрээнд заасан нөхцөлийн дагуу дурдагдсан ажлыг гүйцэтгэх явц болон чанарын баталгаат хугацаанд гарсан эвдрэл гэмтлийг өөрийн зардлаар засах /солих/ үүрэг хүлээнэ.
- 4.9 ГТН-д өөрөөр заагаагүй бол Гүйцэтгэгч нь гэрээ байгуулахаас өмнө гэрээт ажлыг гүйцэтгэхтэй холбоотой бүхий л шаардлагатай баримт бичиг, зөвшөөрөл, гэрчилгээг холбогдох эрх бүхий байгууллагаас авсан байх үүрэгтэй.
- 4.10 Дараах тохиолдолд Гүйцэтгэгч Захиалагчид санал гаргаж болно. Үүнд:

Гүйцэтгэх ажил үүргийг гэрээнд заасан хугацаанаас өмнө дуусгахтай холбоотой,  
Гүйцэтгэх ажил үйлчилгээний зардлыг багасгахтай холбоотой,  
Гүйцэтгэх ажил үйлчилгээний үр дүнг сайжруулах тухай ашигтай санал зэрэг болно.

#### ТАВ. ХАРИУЦЛАГА

5.1 Энэхүү гэрээнд заасан үүргээ зохих ёсоор биелүүлэхийгээс үүдэн гарах хариуцлагыг буруутай тал нь хариуцна.

#### ЗУРГАА. МАРГААН ШИЙДВЭРЛЭХ

6.1 Энэхүү Гэрээг биелүүлэхтэй холбогдон гарсан аливаа санал зөрөлдөөн, маргааныг Талууд зөвшилцөх замаар шийдвэрлэнэ.

6.2 Хэрэв тохиролцоонд хүрч чадаагүй тохиолдолд талууд уг маргааныг Монгол улсын шүүхээр шийдвэрлүүлнэ.

#### ДОЛОО. ДАВАГДАШГҮЙ ХҮЧИН ЗҮЙЛ

7.1 Давагдашгүй хүчин зүйлийн талаар ГЕН-ийн 28 дугаар зүйлд зааснаар ойлгоно.

#### НАЙМ. БУСАД

8.1 Энэхүү Гэрээ нь Талуудын эрх бүхий төлөөлөгчид гарын үсэг зурж баталгаажуулснаар хүчин төгөлдөр болох бөгөөд Гэрээний хавсралт, нэмэлт Гэрээнүүд нь хууль зүйн хувьд ижил хүчинтэй байна.

8.2 Талууд ГЕН-ийн 4 дэх хэсэгт заасны дагуу Гэрээнд оруулах нэмэлт, өөрчлөлтийг зөвхөн бичгээр үйлдэх бөгөөд эрх бүхий албан тушаалтнууд гарын үсэг зурж, тамга тэмдэг дарж баталгаажуулснаар хүчин төгөлдөр гэж тооцогдох ба энэхүү Гэрээний салшгүй хэсэг байна.

8.3 Гэрээнд заасан үүрэг биелэгдсэнээр ГЕН-ийн 52, 53 дахь хэсэгт заасны дагуу гэрээ дуусгавар болно.

8.4 Гэрээг 2 эх хувь үйлдэх ба хууль зүйн хувьд адил хүчин төгөлдөр байна.

8.5 Гэрээтэй холбоотой бүхий л мэдээлэл, мэдэгдэл, албан бичгийг дараах хаягаар хүргүүлнэ. Хаяг өөрчлөгдсөн тохиолдолд энэ тухай бусад Талууддаа мэдэгдэх нь Талуудын үүрэг ба ийнхүү мэдээлээгүйгээс үүсэх хариуцлагыг тэдгээрийн хүргүүлсэн Тал хариуцахгүй болно.

8.6 Талууд гэрээний бүх заалттай бүрэн танилцаж маргаангүй болохыг нотолж гарын үсэг зурж баталгаажуулсан байна.

ЭНЭХҮҮ ГЭРЭЭНИЙ БҮХ ЗҮЙЛ ЗААЛТТАЙ БҮРЭН ТАНИЛЦАЖ, ХҮЛЭЭН ЗӨВШӨӨРСӨН  
БӨГӨӨД ЯМАР НЭГЭН МАРГААНГҮЙ БОЛОХЫГ БАТЛАВ.

ЗАХИАЛАГЧИЙГ ТӨЛӨӨЛЖ:

"УБТЗ" ХН-ийн дарга



Д.ХИЖИДНЯМАА

ГҮЙЦЭТГЭГЧИЙГ ТӨЛӨӨЛЖ:

"НОЙКРАФТ" ХХК-н захирал



Л.МӨНХТУЯА

Handwritten signature at the bottom right corner.

## ТӨЛБӨРИЙН ХУВААРЬ

№	Ажлын нэр	Төлбөрийн дүн /төгрөг/	Төлбөрийн хэмжээ	Төлбөрийн агуулга
1	Газар шорооны ажил	1,649,928,654	30%	Гүйцэтгэлээр /Урьдчилгаа/
2	35 кВ-ын цахилгаан дамжуулах агаарын шугамын угсралтын ажил	1,649,928,654	30%	Гүйцэтгэлээр
3	Трассын дагуу материал ачиж буулгах	1,924,916,763	35%	Гүйцэтгэлээр
4	Чанарын баталгаат хугацаа	274,988,109	5 хувь	Улсын комисс хүлээн авсны дараа гэрээгээр хүлээсэн үүргээ зохих ёсоор биелүүлсэн гэж үзэн Гүйцэтгэгч, Захиалагч гэрээ дүгнэсэн акт үйлдэж албан ёсоор баталгаажуулсан өдрөөс хойш чанарын баталгаат хугацаа дууссаны дараа олгох

Жич: \* Тухайн гүйцэтгэл тус бүрээс чанарын баталгаа болгож 5%-г суутгана.

\*\* Гэрээний нийт төлбөр болох 5,499,762,180 төгрөгөөс уг хавсралтад заасны дагуу Захиалагч актаар ажлыг хүлээн аваад ажлын гүйцэтгэлийн баталгаа болгож чанарын баталгаат хугацааны төлбөр болох 5%, магадлашгүй ажлын зардлыг, гүйцэтгэлээр олгосон санхүүжилтийн төлбөрүүдийг /хэрэв Гүйцэтгэгч Санхүүжүүлэгчээс урьдчилгаа төлбөр авсан бол нийт хийх ёстой ажлын 60 хувийг бүрэн гүйцэтгэж байж дараагийн гүйцэтгэлийг тооцуулж санхүүжилт авах эрх үүснэ/ тус тус суутган авч үлдэгдэл төлбөрийг ажил дууссаны дараа Захиалагч Гүйцэтгэгчээс ажлыг актаар хүлээн аваад тооцсоны дагуу Санхүүжүүлэгч төлнө.

\*\*\* Санхүүжилтийг хугацаанд нь төлөхтэй холбоотой эцсийн хариуцлагыг Санхүүжүүлэгч хариуцна.

ЭНЭХҮҮ ГЭРЭЭНИЙ БҮХ ЗҮЙЛ ЗААЛТТАЙ БҮРЭН ТАНИЛЦАЖ, ХҮЛЭЭН ЗӨВШӨӨРСӨН БӨГӨӨД ЯМАР НЭГЭН МАРГААНГҮЙ БОЛГОХЫГ БАТЛАВ.

ЗАХИАЛАГЧИЙГ ТӨЛӨӨЛЖ:

"УБТЗ" ХНН-ийн дарга

Д.ЖИГЖИДНЯМАА

ГҮЙЦЭТГЭГЧИЙГ ТӨЛӨӨЛЖ:

"НОЙКРАФТ" ХХК-н захирал

Л.МЭНХТУЯА

М.М.М.